

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Narratio comica de amicitia Damonis ac Pythiae**

**Omichius, Franciscus**

**Noribergae, 1617**

Actus I. Scena 4

[urn:nbn:de:bsz:31-138648](#)

lia nobis in mentem non minus venire,  
quam illis hominibus de Schola, qui mihi  
gubernatores ex libro videntur esse. Sed  
utinam omnes illorum libri cum posses-  
soribus suis aut flammis exusti, aut in ma-  
tre demersi essent! Tum enim major fu-  
tura esset nostra auctoritas. Atque, equidem  
nihil non tentabo, ut quicunque eruditio-  
nis nomine se venditant, ex aula regis ex-  
terminentur. Jam intrò eamus.

HYBRISTES. I præ, sequemur.

*Actus I. Scena 4.*

NUNCIUS.

Quisquis junior equo vehi, & re-  
gem quacunque iter habentem sequi  
consueverit: eum ubi tandem consenue-  
rit, ac pristinas corporis vires amiserit,  
portis claudendis & aperiendis adhiberi,  
vulgò perhibent.

Quisquis item florenti ætate militiae  
se dederit, & fortiter in hostes depugna-  
verit: decursa ætate, si res bene cadat,  
hospitem agit publicum, & cauponam  
exercet.

Quid

Quid quæso me tandem fiet, ubi per-  
dum celeritate non amplius præstabō?  
Fortasse canum expellendorum provin-  
cia mihi demandabitur? Atq; utinam tam  
sim felix, ut provincia aliqua mihi deman-  
detur, nec plane desertus & egens ab o-  
mnibus ipse rejiciar atq; expellar. Equi-  
dem sic vulgaris aularum mos est: Dum  
vires anniq; sinunt, labores tibi gravissi-  
mi imponuntur. Ubi omni corporis vi-  
gore defectus, annisq; & pannis obsitus  
fis: Hoc, veteris meriti gratia nulla ma-  
net! Sors eadem mihi quoq;, ut videtur,  
olim est expectanda. Jam enim per an-  
nos octodecim regis defuncti cursor fui,  
ac vix tantum mercedis accepi, ut duram  
inde famem levarem. Nec post illius  
obitum aut requies ulla mihi conceditur,  
aut finis laborum apparet. O'at vox for-  
tuna, quantum juris tibi in me vendicas?  
quādū ac diuturnā me pauperie gra-  
vas? Quādū longinquis ac difficilibus iti-  
nerib⁹ me conficis? Nam et si languidi sint  
pedes, tamē neesse est me viam currere.  
Qui enim fatalibus Parcarum tabulis ad  
pedestria itinera cōdemnatus est: ei equo  
portari

portari nunquam licet. Ibo igitur Atheneas Atticas, quò me misit herus meus, ut ludim magistrum quendam adducam, qui regem adolescentem sapere doceat.

Viax quidem tametsi longinquæ me non pigeret: modò ill e homo me seque-  
retur, & regem impelleret, ut à tyrannide  
absistens, mitiùs ageret cum miserà ple-  
beculâ. Tum enim operam suam præ-  
clarè impendissem. Sed valdè vereor, ne  
ille láterem lavet. Nam difficilis labor est,  
vetulos adstringere loris, ire viâ solitos  
liberiore, canes. Quod si ille præceptor  
ante annos decem advenisset, & regem  
puerum serìò ferulis castigasset; fortasse  
naturam ejus virtuosam expellere, saltem  
corrigere potuisset. Qui verò Dionysium  
jam adultum asperioribus sanare institu-  
at remedijs: is profecto malam institu-  
tionis sua reportet mercedem. Sed di-  
gito labella mihi sunt compescenda. Nam  
si, quæ liberius modò dixi, rescisceret rex:  
longam procul dubio ex me literam face-  
ret, aut caput meum unâ cum barbâ rese-  
caret, ne ulla amplius tonsore mihi opus  
foret. Periculorum namque est, ei ma-

Verum

Ledicere, qui malefacere quibusvis potest.  
Verum quid otiosè cesso? quin potius iter  
Athenas dirigo. Vos interim bene va-  
lete ac vivite.

*Actus II. Scena 1.*

PLATO, NUNCIUS.

Dionysius Siciliæ rex, itemq; Dion, mi-  
hi longo tempore amicissimus, mis-  
sis literis, etiam atq; etiam me rogant, ne  
in Siciliam dubitèm quam primùm trans-  
fretare; Id enim toti regno plurimum  
esse profuturum: quod rex adolescens,  
magno jam institutionis & consilij mei  
desiderio teneatur. Ego verò incertus  
sum, utrum faciam? committamnè me-  
hic itineri? an scriptis literis me ventu-  
rum negem? Nam vir sapiens priusquam  
aliquid incipiāt, secum accuratè oportet  
meditetur, quid vel commodi ex incepto  
suo consequi possit. Hæc igitur si per-  
pendo, & quæ sit mea infirmitas, attenti-  
us considero; alieno m̄hercule tempore  
iter illud ingressurus videor. Hominem  
enim ætate confectum procellis æquoris,  
& tempestatum injurijs sese exponere,

mini-